

Geistlicher Baustein Nr. 23

Wie wichtig : In Ihm zu bleiben!

Albanische Übersetzung :

Guri i Ndertimit Frymor Nr. 23

– Sa e Rëndësishme është: Të Qëndrosh në Të!-

Gjoni 15:7: "Nëse qëndroni në mua dhe fjalët e mia qëndrojnë në ju, kërkonti çfarë të doni dhe do t'ju jepet."

Ja ku është përsëri: "Nëse qëndroni në Mua..." Oh, më pëlqen kjo fjalë "qëndroni". Jo të shkosh andej e këndeje, por "Nëse qëndroni në Mua dhe fjalët e Mia qëndrojnë në ju, atëherë do të kërkonti çfarë të doni dhe do t'ju jepet." Kjo është e vërtetë. "Nëse qëndroni..." Më pëlqen të kem një kishë që qëndron. Qëndrim i vazhdueshëm — Jezusi është i imi. [1]

Në kapitullin e 15-të të Gjoni është shkruar: "Nëse qëndroni në Mua dhe Fjala Ime në ju..." Shihni, Fjala qëndron në ty. "Atëherë do të kërkonti çfarë të doni dhe do të ndodhë." Sepse nuk je ti; është Fjala që është në ty. Dhe Fjala është Perëndia — Perëndia në ty. Perëndia është Fjala. "Në fillim ishte Fjala, dhe Fjala ishte me Perëndinë, dhe Fjala ishte Perëndi. Dhe Fjala u bë mish dhe banoi ndër ne" (Gjoni 1:1-3).

Tani, pasi Fryma e Shenjtë është kthyer dhe ka sjellë Fjalën brenda nesh dhe ajo qëndron në ne, atëherë nuk je ti që flet; është vetë Fjala që del përpara. Pra, Fjala do ta përmbushë veprën. [2]

Tani, Ati dhe Fjala e Tij janë të pandashëm, sepse Fjala është Biri i Tij. "Në fillim ishte Fjala, dhe Fjala ishte me Perëndinë, dhe Fjala ishte Perëndi. Dhe Fjala u bë mish dhe banoi ndër ne" (Gjoni 1:1-3). Perëndia dhe Fjala e Tij janë të pandashëm. Nuk mund të kesh Perëndinë pa pasur Fjalën e Tij, dhe nëse ke Fjalën e Tij, atëherë ke Perëndinë.

Atëherë ti ke Perëndinë, Fjalën në ty. Dhe ti beson Fjalën ashtu siç beson Perëndinë, sepse ajo është Perëndia dhe është e pandashme. Dhe nëse ke Fjalën e Perëndisë në ty, ke Jetën e Perëndisë në ty. Ke Perëndinë në ty. Dhe gjithçka që Fjala e Perëndisë flet përmes teje, duhet të ndodhë, ashtu sikur të ishte vetë Perëndia që e ka thënë. [3]

Fjala e Perëndisë është ajo që Frymai e Shenjtë përdor, jo besimet Religjioze, jo konfesionet, por Fjala është ajo që na ndan nga gjërat e botës. Ajo i pret idetë dhe gjërat tona personale dhe na shenjtëron plotësisht për Perëndinë. Jezusi tha: “Nëse qëndroni në Mua dhe Fjala Ime qëndron në ju...” Kjo është thelbësore. Atëherë nuk është më fjala juaj, është Fjala e Tij. Atëherë ju e shihni: “Nëse qëndroni në Mua dhe Fjala Ime në ju, atëherë mund të kërkonti çfarë të doni.” E shihni çfarë është? Ju nuk flisni fjalët tuaja; ju flisni Fjalën e Tij. Kështu që është Fryma e Shenjtë që merr Fjalën e Perëndisë dhe na ndan nga këto gjëra të botës.(4)

Kur Fjala e Tij merr përparësinë në ty, atëherë ti dhe Krishti bëheni një. Sepse atëherë nuk je më ti; është Fjala e Perëndisë: Krishti në ty. Ju bëheni një.(5)

“Nëse dikush qëndron në Mua dhe Unë në të, nëse qëndroni në Mua dhe Fjalët e Mia në ju.”
Qëndroni – jo të hidheni nga një vend në tjetrin, duke ndërruar kartën e anëtarësimit nga një kishë unitare në një kishë dypalëshe ose trepalëshe, dhe pastaj përsëri në një presbiterian ose luteran. “Nëse qëndroni në Mua” – dhe Ai është Fjala – “Fjalët e Mia qëndrojnë në ju!” (6)

Nëse unë do të kisha Frymen e Beethovenit në mua, do të kompozova muzikë. Nëse Beethoven do të jetonte në mua, unë do të isha Beethoven. Nëse Shakespeare do të jetonte në mua, unë do të isha Shakespeare dhe do të shkruaja poezi dhe drama. Dhe nëse Krishti jeton në mua, atëherë unë do të bëj veprat e Krishtit. Kjo është e vërtetë. Duhet të jetë kështu. Dhe çfarë është Krishti? Është Fjala. (7)

Por qëndroni në Të! “Nëse qëndroni në Mua dhe Fjala Ime në ju...” Sa veta e dinë që kjo është e vërtetë? Kjo është premtimi i Perëndisë.

“Nëse qëndroni në Mua...” – kjo do të thotë të qëndrosh aty. Mos vraponi pas Egjiptit dhe pas gjërave të botës. “Nëse qëndroni në Mua dhe Fjalët e Mia qëndrojnë në ju, mund të kërkonti çfarë të doni dhe do t'ju jepet.” Ky është premtimi i Tij. Nëse je fara e Abrahamit, atëherë qëndro në këtë premtim. Nëse je jashtë tij, atëherë kthehu përsëri! Atje jashtë, në Egjipt, do të kesh probleme. Kthehu brenda, në tokën e premtuar! (

Tani, “qëndroni” do të thotë të qëndrosh aty, të pushosh aty. Kur e merr premtimin e Perëndisë në zemrën tënde, “Unë jam Zoti që të shëron” (Eksodi 15:26), lejoje të hyjë në zemrën tënde dhe të qëndrojë aty. Mos e nxirr kurrë prej andej! Lëre të qëndrojë aty! Vepro sipas saj! Oh, kjo është e vërteta e saktë. “Nëse qëndroni në Mua” (Fryma e Shenjtë, Krishti) dhe “fjalët e Mia” (premtimet e Mia, gjithçka) qëndrojnë në ju, atëherë vetëm kërkonti çfarë të doni dhe do t’ju jepet, sepse duhet të ndodhë kështu. [9]

Kjo është fjala vetë e Krishtit. Por çfarë? Fjala duhet të qëndrojë në ju. “Nëse qëndroni në Mua, në Krishtin, dhe fjala Ime në ju.” Si hyjmë ne në Krishtin? Përmes pagëzimit me Frymen e Shenjtë (1 Korintasve 12:13). Kjo është njëra pjesë. Por pastaj: “Nëse qëndroni në Mua dhe fjalët e Mia në ju, atëherë mund të kërkonti çfarë të doni.” Duhet t’i keni të dyja, Krishtin dhe Fjalën. Nuk mund ta kesh njërin pa tjetrën, kjo është e vërtetë, sepse janë një dhe e njëjta gjë.

Nuk mund ta kesh Atin pa Birin. Nuk mund ta kesh Birin pa Frymen e Shenjtë. Është e njëjti Frymë.

Kështu që shikoni, nuk mund ta arrini në asnjë mënyrë tjetër, përveçse duke pranuar Absolutin që Perëndia ka përgatitur për jetën tonë. Tani unë jam i lidhur me Të përmes Fjalës së Tij. Ai është Absoluti im. Dhe kam zbuluar se është e mrekullueshme dhe e çmuar të jetosh në këtë mënyrë. [10]

Emri i Zotit është një kullë e fuqishme; i drejti vrapon atje dhe është i sigurt (Fjalët e Urta 18:10). Çfarë lloj kulle është kjo? Është një kullë strehimi ku ne mund të shkojmë. Dhe Zoti është Fjala.

Përsëri: “Nëse qëndroni në Mua (në kullë) dhe fjalët e Mia në ju...” Tani, kjo do të thotë nëse je brenda, jo nëse je jashtë dhe shikon brenda, por nëse je brenda dhe shikon jashtë. [11]

Ndonjëherë Perëndia të vendos në një mbledhje (Sherbes) që është e gabuar, për të përhapur pak dritë. Mos u hidh menjëherë, mos kërce nga një vend në tjetrin, nga një gjë në tjetrën.

Rri thjesht nën gjak! Nëse del jashtë, atëherë siguria jote zhduket. Qëndro nën gjak!

„Emri është një kullë e fuqishme. I drejti vrapon atje dhe është i sigurt.“ Lësho presionin! Shikoni drejt Tij në orët kur e dimë se ka njerëz që janë nën gjak. Ne e shohim këtë të konfirmuar. E shohim Perëndinë, çfarë bën Ai për të vërtetuar Kishën e Tij.

Ai i ka premtuar gjithçka, nëse ne jemi në këtë kullë. „Çfarëdo që të kërkon në Emrin Tim, unë do ta bëj.“ Sa vend i mrekullueshëm! Është shkruar: „Çfarëdo që të bëni, bëjeni në Emrin Tim“ (Kolosianëve 3:17), jo në emrin e kishës. Pastaj ne kemi bashkësi në Emrin e Tij. (12)

Gjoni 14:12: „Kush beson në Mua, edhe ai do të bëjë veprat që bëj Unë; edhe më të mëdha se këto do të bëjë, sepse Unë po shkoj tek Ati.“

„Edhe pak kohë dhe bota nuk do të më shohë më; por ju do të më shihni, sepse Unë do të jem me ju, madje në ju.“ (Gjoni 14:19-20).

Si ndodh kjo? Jo trupi; ky është ulur në të djathtën e Madhërisë. Por shenja, që ti e ke pranuar Atë, të është dhënë prapë. Merr këtë shenjë dhe kërko gjithçka që dëshiron. Perëndia e ka premtuar. (13)

Tani, po aq e sigurt sa që Adami dhe Eva duhej të ishin e njëjta frymë, ashtu edhe Krishti dhe Kisha duhet të jenë e njëjta frymë, njëjta shërbesë. „Veprat që bëj Unë, edhe ju do t'i bëni.“ E shihni çfarë dua të them? Ata duhej të bashkoheshin. Mishi dhe gjaku dhe Perëndia duhej të bashkoheshin dhe të bëheshin një Frymë. Dhe Jezusi Krisht dhe Kisha e Tij janë një Frymë.

Si mund ta mohojë Kisha krijimin, si mund të mohojë gjërat që Krishti i ka urdhëruar të bëjë, si mund t'i mohojmë dhe pastaj të themi se jemi prej Krishtit?

„Unë jam hardhia, ju jeni degët (shermend), dhe jeta që është në hardhi kalon në degë (shermend) për të sjellë fryt.“ (Gjoni 15:1-2). Sjellës fryti! (14)

Një dele nuk i kërkohet të prodhojë lesh apo të fabrikojë lesh.

Delja nuk ka nevojë të përpiqet të prodhojë lesh. Ajo do të duhej të thoshte:

„Tani, Mjeshtri im dëshiron që unë të kem lesh këtë vit. Duhet të përpiqem fort." Jo, e vetmja gjë që duhet të bëjë, është të mbetet dele. Kjo është e vërtetë. Leshi do të dalë automatikisht. Ajo do ta prodhojë atë vetë...

Ne nuk jemi të thirrur të "prodhojmë" fryte me forcë. Ne duhet t'i sjellim frytet, t'i mbajmë frytet. E shihni? Nga ne pritet që të mbajmë fryte. Për sa kohë që je një pemë frutore e Perëndisë, me Fjalën e Perëndisë brenda, atëherë vetë Fjala e Perëndisë do ta vërtetojë veten. Ajo do të sjellë fryt, për sa kohë që Fjala qëndron brenda saj.

Nuk e fabrikoni ju vetë. Nuk keni pse të lodheni apo rraskapiteni për këtë – është thjesht aty, dhe vazhdon pa ndërprerje.

[15] Tani, ne e dimë se kjo botë është një krijesë. Dhe, përpara se të ketë një krijesë, duhet të ketë më parë një Krijues për atë krijesë. Dhe ky Krijues e shpreh Vetveten përmes krijimit (Romakëve 1:18-21). Edhe nëse nuk do të kishim aspak Bibël, sërish do ta dinim se kjo është e vërtetë. Bibla vetëm e vendos në rregull këtë të vërtetë.

Tani, kur Perëndia krijoi gjithësinë, Ai e shprehu Vetveten përmes krijimit. Ai është një Perëndi i shumëllojshmërisë. Ai krijoi male të larta dhe kodra të ulëta, Ai krijoi shkretëtira dhe liqene, Ai krijoi pemë të vogla dhe pemë të mëdha, lule të bardha dhe lule të kuqe, njerëz të shkurtër dhe të gjatë, gra me flokë të kuq dhe gra me flokë të zinj. Ai na krijon të ndryshëm, sepse kështu na dëshiron. Ai është një Perëndi i shumëllojshmërisë. Dhe disa i bën të pasur, të tjerë të varfër, dhe të tjerë diku në mes. Por secili prej nesh ka një vend për të shërbyer Perëndisë, dhe ai vend është pikërisht aty ku Ai na ka vendosur – nëse vetëm do të qëndrojmë në atë vend.

[12]

Secili prej nesh ka vendin e vet dhe ne duhet të qëndrojmë në thirrjen tonë.

[16]

Çdo i krishterë duhet të mbështetet në të njëjtin absolut – në Fjalën e Perëndisë. Fjala e Perëndisë është banesa e të krishterit.

[17]

„Nëse qëndroni..." – jo brenda dhe jashtë, brenda dhe jashtë – por „nëse qëndroni në Mua", dhe Ai është Fjala, „dhe Fjala qëndron në ju, atëherë vetëm kërkon çfarë të doni, dhe do t'ju jepet. Dhe ju do ta merrni."

"Kush i pranon fjalët e Mia dhe beson në Atë që Më ka dërguar, ai ka kaluar tashmë nga vdekja në jetë" (Gjoni 5:24). Por, a mund ta pranosh më parë Fjalën? A mund ta pranosh Fjalën, tërë Fjalën, gjithçka që ka të bëjë me Krishtin? Krishti është Fjala e vajosur. Ai është Fjala, e vajosur (Luka 2:10-11).

Krishti do të thotë "i Vajosuri", Fjala e vajosur për atë ditë, e bërë e dukshme, Shpëtimtari, Shpenguesi . Prandaj Ai duhej të vinte, dhe Ai ishte ky personi i vajosur për të marrë atë vend (Veprat e Apostujve 2:36). (18)

Kur Jezusi erdhi, Ai nuk ishte thjesht një njeri. Ai nuk ishte vetëm personi i tretë i Trinisë. Ai, Ai ishte Perëndia. Ai ishte vetë Perëndia. Ai, Ai ishte Emanueli (Isaia 7:14). Dhe ne jemi mësuar nga Bibla se jemi shpëtuar me anë të gjakut të Perëndisë. Kur vetë Perëndia u bë një nga ne, Ai ndryshoi atë që ishte. Ai ndërroi tendën e Tij. Ai zbriti, la lavdinë dhe u bë njeri (Filipianëve 2:5-8). Prandaj, i lindur pa marrëdhënie seksuale, Ai krijoi për Vetën një trup në të cilin Ai jetoi, vetë Ai, Emanueli, përfaqësuesi i Perëndisë me ne, Fjala u bë mish mes nesh dhe jetoi ndër ne (Mateu 1:21-23), për të shpenguar, shumë bij te Perëndia, përmes derdhjes së këtij gjaku.

Sigurisht, trupi ishte Krishti. Ai ishte i Vajosuri. Dhe nëse Krishti do të thotë "i Vajosuri", dhe Ai është i njëjti dje, sot dhe përgjithmonë (Hebrenjve 13:8), dhe Ai është Fjala, atëherë Fjala është vajosja. "Nëse qëndroni në Mua dhe Fjala Ime në ju, atëherë thoni çfarë të doni." Është Fjala e Perëndisë, Fjala e vajosur, ajo që e kryen veprën. (19)

Ishte Jezusi Ai që tha tek Marku 11:23: "Nëse i thoni këtij mali...", jo nëse i luteni këtij mali. "Nëse i thoni këtij mali: 'Ngrihu e hidhu në det', dhe nuk dyshoni në zemrën tuaj, por besoni se ajo që thoni do të ndodhë, atëherë do ta merrni atë që keni thënë." Tani, nëse e thoni vetëm nga guximi bosh, nuk do të ndodhë. Por nëse ka diçka brenda jush, që jeni të vajosur për atë detyrë dhe e dini se është vullneti i Perëndisë ta bëni, dhe pastaj e thoni, atëherë duhet të ndodhë. (20)

Koka dhe trupi janë bërë një njësi.

Është Perëndia, i shprehur në popullin e Tij. Prandaj, burri dhe gruaja nuk janë më dy, por një. Perëndia dhe Kisha e Tij janë një: “Krishti në ju”, zbulimi i madh i Perëndisë. Lavdi qoftë Perëndisë! Ne madje mbajmë edhe Emrin e Tij. Emri i Tij është Jezusi, i Vajosuri. Arsyeja pse quhet Jezus është sepse Ai është i Vajosuri. Është trupi i vajosur i Krishtit që dëshmon dhe shpreh Perëndinë, ashtu siç e bëri trupi atëherë. Dhe ai trup atëherë i shpengoi të gjithë këta trupa, dhe përmes tyre Perëndia vepron shfaqjen e Tij të trefishtë në udhën drejt Mbretërisë së Tij.

U ringjall, pagoi çmimin! Ne jemi të shpenguar! Perëndia e ka dëshmuar dhe e ka vulosur këtë.

Dhe ne qëndrojmë të drejtësuar (justifikuar) në Krishtin përpara Tij. Ai nuk mund të sjellë gjykim mbi ne, sepse Ai tashmë e ka gjykuar atë trup, i cili përfshin edhe mua. Si jam unë pjesë e atij trupi? Ja si; Ai është në mua. “Kërkoni prej Atit çfarëdo në Emrin Tim, dhe ajo do të ndodhë, sepse është atje.” I drejtësuar (kustifikuar)! Lavdi Perëndisë! Dhe për të qenë i sigurt, i gjithë Rrëmbimi është tani i përgatitur. Luteri ishte një pjesë, Ueslei ishte një pjesë, profetët ishin një pjesë.

Pikërisht në zbulesën që u ishte dhënë atyre: trupi, këmbët, gishtat, krahët, e kështu me radhë, deri te koka, shihni, kjo përbën të gjithë

Rrëmbimin. Është trupi i Fjalës, që është Krishti. Amen!

Jashtë kësaj, ju jeni të humbur. Nuk ka rëndësi sa të mirë jeni apo cilat janë marrëdhëniet, shoqatat apo organizata juaj – ju jeni të humbur nëse kjo Fjalë nuk është në ju.

“Nëse qëndroni në Mua, Fjala, dhe Fjala Imë qëndron në ju, atëherë kërkoni çfarë të doni”, sepse ti dhe Fjala jeni e njëjta gjë. Ai ka përparësinë. Ai ka sovranitetin. Ti je një i burgosur për Të. Bota është e vdekur për ty. Ti nuk ke më asgjë tjetër... Ti i sheh të tjerët duke jetuar në mënyrën e tyre, por ti nuk jeton më ashtu. Ti je i burgosur. Je i lidhur me Të. “Zgjedha Imë është e lehtë” (Mateu 11:28-29). I lidhur me Krishtin, me Fjalën e Tij. “Unë bëj vetëm atë që i pëlqen Atit. Dhe nëse nuk mund të besoni se Unë jam Ai, atëherë besoni Fjalës.” Aq i përsosur! (21)